

# Հարցաշար 1

1. Քաղաքացիական իրավունակությունը՝
  - 1) **դադարում է քաղաքացու մահվամբ.**
  - 2) **բոլոր քաղաքացիների համար ճանաչվում է հավասարապես.**
  - 3) ծագում է քաղաքացու չափահաս դառնալուն հետ մեկտեղ.
  - 4) կարող է սահմանափակվել շահագրգիռ անձի դիմումի հիման վրա՝ դատարանի վճռով.
2. Ո՞ր գործարքներն են համարվում հետաձգող պայմանով կնքված՝
  - 1) **գործարքը համարվում է հետաձգող պայմանով կնքված, եթե կողմերն իրավունքների և պարտականությունների ծագումը կախման մեջ են դրել մի հանգամանքից, որը հայտնի չէ՝ կիրականանա՞, թե՞ ոչ (օրինակ՝ եթե ԱՄՆ դուլար / ՀՀ դրամ փոխարժեքը գերազանցի XXX-ը).**
  - 2) գործարքը համարվում է հետաձգող պայմանով կնքված, եթե կողմերն իրավունքների և պարտականությունների ծագումը կախման մեջ են դրել մի հանգամանքից, որը հաստատ կիրականանա ապագայում (օրինակ՝ 2012 թ. մարտի մեկից).
  - 3) գործարքը համարվում է հետաձգող պայմանով կնքված, եթե պայմանագիրը պետք է ուժի մեջ մտնի ապագայում՝ կոնկրետ ամսաթվի (օրինակ՝ 2012 թ. մարտի 1-ին).
  - 4) քաղաքացիական օրենսդրությունը այդպիսի հասկացողություն չունի և գործարքները չեն կարող կնքվել հետաձգող պայմանով.
3. Ո՞րն է գործարքի նոտարական ձևը չպահպանելու հետևանքը՝
  - 1) գործարքի նոտարական ձևը չպահպանելը վեճի դեպքում կողմերին զրկում է ի հաստատումն գործարքի և նրա պայմանների՝ վկաների ցուցմունքներ վկայակոչելու իրավունքից, սակայն նրանց չի զրկում գրավոր և այլ ապացույցներ ներկայացնելու իրավունքից.
  - 2) **գործարքի նոտարական ձևը չպահպանելը հանգեցնում է գործարքի անվավերության.**
  - 3) **նման գործարքն առոչինչ է.**
  - 4) նման գործարքը միայն դատարանը իր վճռով կարող է ճանաչել անվավեր.
4. Ստորև բերվածներից ո՞րն է համապատասխանում ժամանակահատվածով որոշվող ժամկետի ավարտի հաշվարկի մեթոդաբանությանը՝
  - 1) **տարիներով հաշվարկվող ժամկետը լրանում է ժամկետի վերջին տարվա համապատասխան ամսին և ամսաթվին.**

2) ամիսներով հաշվարկվող ժամկետը լրանում է ժամկետի վերջին ամսվա վերջին օրը.

**3) կես ամսով որոշվող ժամկետը դիտվում է որպես օրերով հաշվարկվող ժամկետ և համարվում է հավասար փասնհինգ օրվա.**

4) տարվա եռամսյակը համարվում է երեք ամսին հավասար և հաշվարկվում է ժամկետի սկզբի օրվանից սկսած.

5. Որտե՞ղ է կատարվում պարտավորությունը, եթե պարտավորության կատարման վայրը որոշված չէ օրենքով, այլ իրավական ակտերով՝

1) անկախ պարտավորության տեսակից, եթե այլ բան նախատեսված չի պայմանագրով, պարտավորությունը պետք է կատարվի պարտապանի բնակության (ֆիզիկական անձ) կամ գտնվելու (իրավաբանական անձ) վայրում.

2) անկախ պարտավորության տեսակից, եթե այլ բան նախատեսված չի պայմանագրով, պարտավորությունը պետք է կատարվի պարտատիրոջ բնակության (ֆիզիկական անձ) կամ գտնվելու (իրավաբանական անձ) վայրում.

**3) անշարժ գույք հանձնելու պարտավորությունը կատարվում է գույքի գտնվելու վայրում.**

**4) գույք հանձնելու պարտավորությամբ, որը նախատեսում է դրա փոխադրումը՝ գույքը պարտափրոջը հասցնելու համար առաջին փոխադրողին հանձնելու վայրում.**

6. Պարտավորությունների կատարումը կարող է ապահովվել՝

1) **պարտապանի գույքի պահումով.**

2) **երաշխավորությամբ.**

3) դատարան դիմելու հնարավորությամբ.

4) **պայմանագրով նախատեսված՝ օրենքին չհակասող ցանկացած այլ եղանակով.**

7. Ի՞նչ է երաշխիքը՝

1) երաշխիք տված անձը, երաշխիքի համաձայն, այլ անձի պարտատիրոջ առջև պարտավորվում է պատասխանատվություն կրել այդ անձի կողմից իր պարտավորությունը լրիվ կամ մասնակի կատարելու համար.

**2) երաշխիք տված անձը (բանկը, այլ վարկային հաստատություն կամ ապահովագրական կազմակերպություն) այլ անձի (պրինցիպալի) խնդրանքով գրավոր պարտավորություն է ստանձնում պրինցիպալի պարտափրոջ (բենեֆիցիարի) հանդեպ, երաշխիքով ստանձնած պարտավորության պայմաններին համապատասխան, բենեֆիցիարին վճարել դրամական գումար՝ վերջինիս կողմից գրավոր պահանջ ներկայացնելիս.**

3) երաշխիք է համարվում այն դրամական գումարը, որ պայմանավորվող կողմերից մեկը պայմանագրով հասանելիք վճարների հաշվին տալիս է մյուս կողմին՝ իբրև պայմանագրի կնքման ապացույց և դրա կատարման ապահովում.

4) երաշխիքը դա երաշխիք տվող անձի նկատմամբ պրինցիպալի գույքային իրավունքն է, որը միաժամանակ միջոց է պրինցիպալի հանդեպ պարտապանի ունեցած դրամական կամ այլ պարտավորության կատարման ապահովման համար.

8. Ե՞րբ է պայմանագիրը համարվում կնքված՝

1) պայմանագիրը համարվում է կնքված օֆերտան ուղարկելուց հետո դրա ակցեպտը փոստին հանձնելու պահից.

2) ցանկացած պայմանագիրը համարվում է կնքված նոտարի կողմից պայմանագրի տեքստի տակ նոտարական կնիք դնելու պահից.

**3) պայմանագիրը համարվում է կնքված օֆերտան ուղարկած անձի կողմից դրա ակցեպտը ստանալու պահից.**

**4) ռեալ պայմանագրերը համարվում են կնքված, պայմանագրով նախատեսված գույքը հանձնելու պահից.**

9. Ստորև նշված պայմանագրերից որո՞նք են ռեալ պայմանագրեր՝

1) **փոխառության պայմանագիր.**

2) **պահապնդության պայմանագիր.**

3) վարձույթի պայմանագիր.

4) վարկի պայմանագիր.

10. Ինչ ձևով պետք է կողմերը ամրագրեն պայմանագիրը փոփոխելու կամ լուծելու իրենց համաձայնությունը՝

1) պայմանագրի փոփոխման համաձայնությունը ենթակա է պարտադիր նոտարական վավերացման, հակառակ դեպքում այն անվավեր է.

2) ավտոմեքենայի վարձակալության պայմանագրի փոփոխությունները պետք է կատարվեն նոտարական վավերացված համաձայնագրի ձևով, եթե այլ բան նախատեսված չի վարձակալության պայմանագրում.

3) պայմանագիրը հնարավոր է փոփոխել բացառապես դատարանի վճռով.

**4) պայմանագրի փոփոխման համաձայնությունը կնքվում է այն ձևով, ինչով պայմանագիրը, եթե այլ բան չի բխում օրենքից, այլ իրավական ակտերից, պայմանագրից կամ գործարար շրջանառության սովորույթներից.**

11. Ի՞նչ իրավական հետևանք(ներ) է ունենում անշարժ գույքի առուվաճառքի պայմանագրում դրա գինը չնախատեսելը՝

1) **անշարժ գույքի պայմանագիրը համարվում է չկնքված.**

2) անշարժ գույքի գինը որոշվում է ՀՀ քաղաքացիական օրենսգրքի 440 հոդվածի 3-րդ կետով նախատեսված՝ գնի որոշման կանոններով.

3) համարվում է որ կնքվել է անշարժ գույքի առուվաճառքի նախնական պայմանագիր.

4) կողմերից յուրաքանչյուրը կարող է դիմել դատարան, պայմանագիրը փոփոխելու և անշարժ գույքի գինը հաստատելու համար՝ հիմք ընդունելով ՀՀ քաղաքացիական օրենսգրքի 440 հոդվածի 3-րդ կետով նախատեսված գնի որոշման կանոնները.

12. Եթե այլ բան նախատեսված չէ օրենքով և անշարժ գույքի առուվաճառքի պայմանագրով, Ե՞րբ է համարվում անշարժ գույքը գնորդին հանձնելու վաճառողի պարտականությունը կատարված՝

1) անշարժ գույքը փաստացի գնորդին հանձնելը բավարար է պարտավորությունը կատարած համարելու համար.

2) անշարժ գույքը հանձնելու պարտավորությունը պատշաճ կատարելու է համար բավարար է փոխանցման ակտը երկկողմ ստորագրելը.

**3) անշարժ գույքը հանձնելու պարտավորությունը համարվում է պատշաճ կատարված այդ գույքը գնորդին հանձնելուց և հանձնելու փոխանցման ակտը երկկողմ ստորագրելուց հետո.**

4) անշարժ գույքը համարվում է գնորդին հանձնված գույքի նկատմամբ գնորդի սեփականության իրավունքը գրանցելու պահից.

13. Ստորև թվարկվածներից ովքեր են սեփականության իրավունքի սուբյեկտներ՝ համաձայն ՀՀ քաղաքացիական օրենսգրքի՝

1) **քաղաքացիները.**

2) իրավաբանական անձանց առանձնացված ստորաբաժանումները.

3) **Հայաստանի Հանրապետությունը.**

4) Հայաստանի Հանրապետության արդարադատության նախարարությունը.

14. Ինչպիսի՞ գույքային իրավունքներ կարող են ունենալ սեփականատեր չհամարվող անձինք՝

1) **գույքի օգտագործման իրավունք.**

2) **հոսանքի լարերի անցկացման սերվիտուտ.**

3) վարձակալության իրավունք.

4) **գրավի իրավունք.**

15. Ե՞րբ է առաջանում սեփականության իրավունքը նոր ստեղծված անշարժ գույքի նկատմամբ՝

1) անշարժ գույքի կառուցման / շինարարության նախագիծը օրենքով նախատեսված բոլոր համաձայնությունները և դրա համար համապատասխան թույլտվությունները ստանալու պահից.

2) անշարժ գույքի շինարարության փաստացի ավարտի պահից.

**3) անշարժ գույքի նկատմամբ սեփականության իրավունքի գրանցման պահից.**

4) շինարարական կապալի պայմանագրի համաձայն համապատասխան հանձնման-ընդունման ակտը երկկողմ հաստատելու պահից.

16. Ի՞նչ եղանակով կարող է անձը դառնալ այն շարժական գույքի սեփականատերը, որից սեփականատերը հրաժարվել է՝

1) դեռ նետված գույքի նկատմամբ սեփականության իրավունք ձեռք բերելու համար բավարար է ուղակի սկսել տիրապետել այդ գույքը՝ անկախ գույքի արժեքից, տեսակից և գույքի գտնվելու վայրից.

2) **դեռ նետված գույքի նկատմամբ, եթե այդ գույքը գտնվում է անձին պատկանող հողամասում, ջրավազանում կամ այլ օբյեկտում և այդ գույքի արժեքը ակնհայտորեն ունի 50000 ՀՀ դրամից ցածր արժեք, անձը կարող է ստանալ սեփականության իրավունք՝ ձեռնամուխ լինելով դրա օգտագործմանը.**

3) **դեռ նետված գույքի նկատմամբ, եթե այդ գույքի արժեքը գերազանցում է 50000 ՀՀ դրամը, անձը կարող է ձեռք բերել սեփականության իրավունք, եթե այդ անձի դիմումի հիման վրա դատարանը գույքը ճանաչի տիրազուրկ.**

4) դեռ նետված գույքի նկատմամբ, անկախ գույքի արժեքից, տեսակից և գույքի գտնվելու վայրից, անձը կարող է ձեռք բերել սեփականության իրավունք՝ նոտարական կարգով հաստատելով գույքի տիրազուրկ լինելու փաստը.

17. Գույքի ապառիկ վաճառքի դեպքում հնարավոր է արդյոք գնի վերահաշվարկ՝ հաշվի առնելով վաճառված գույքի գնի հետագա փոփոխությունները՝

1) **գնի հետագա փոփոխությունները հիմք են վերահաշվարկ կատարելու համար, եթե դա նախատեսված է պայմանագրով.**

2) գնի հետագա փոփոխությունները հիմք են վերահաշվարկ կատարելու համար, և վերջին վճարը վճարելի գնորդը պարտավոր է վճարել ապրանքի թանկացման հետևանքով գոյացած տարբերությունը, կամ նվազեցնել ապրանքի էժանացման հետևանքով գոյացած գնի տարբերությունը՝ հաշվի առնելով 411 հոդվածով նախատեսված տոկոսները.

3) անկախ պայմանագրում նախատեսված դրույթներից, ապրանքի գնի հետագա փոփոխությունները հիմք չեն վերահաշվարկ կատարելու համար:

4) գնի հետագա փոփոխությունները հիմք են վերահաշվարկ կատարելու համար, ընդ որում յուրաքանչյուր հետագա վճարում կատարելիս հաշվի է առնվում գնի փոփոխությունները այդ վճարման օրվա դրությամբ, և այդ վճարը համապատասխանաբար ավելացվում կամ նվազեցում է գնի փոփոխությանը համաչափ.

18. Ի՞նչ է ռենտան (ռենտայի պայմանագիրը)՝

1) ռենտայի պայմանագրով մի կողմը (ռենտա ստացողը) մյուս կողմին (ռենտա վճարողին) օգտագործման և (կամ) տիրապետման իրավունքով հանձնում է գույք, իսկ ռենտա վճարողը պարտավորվում է ստացողին այդ գույքի դիմաց պարբերաբար վճարել ռենտա՝ որոշակի գումար.

2) **ռենտայի պայմանագրով մի կողմը (ռենտա ստացողը) մյուս կողմին (ռենտա վճարողին) սեփականության իրավունքով հանձնում է գույք, իսկ ռենտա վճարողը պարտավորվում է ստացողին այդ գույքի դիմաց պարբերաբար վճարել ռենտա՝ որոշակի գումար.**

3) ռենտայի պայմանագրով մի կողմը (ռենտա ստացողը) մյուս կողմին (ռենտա վճարողին) սեփականության իրավունքով հանձնում է գույք, իսկ ռենտա վճարողը պարտավորվում է ռենտա ստացողին մինչև նրա կյանքի վերջը խնամել և հոգ տանել նրա համար պայմանագրով նախատեսված ծանրաբեռնվածությամբ.

4) ռենտայի պայմանագրով մի կողմը (ռենտա ստացողը) մյուս կողմին (ռենտա վճարողին) սեփականության իրավունքով հանձնում է գույք, իսկ ռենտա վճարողը պարտավորվում է այդ գույքը օգտագործել միայն ռենտայի պայմանագրում նախատեսված նպատակով.

19. Ո՞ր դեպք(եր)ում նվիրատուն իրավունք ունի հրաժարվել ապագայում նվիրառուին գույք կամ իրավունք փոխանցելու խոստում կատարելու պայմանագիրը կատարելուց (հրաժարվել նվիրատվության պայմանագիրը կատարելուց)՝

1) նվիրատուն իրավունք ունի հրաժարվել նվիրատվության պայմանագիրը կատարելուց, եթե նվիրառուն նվիրատուի մերձավոր ազգականներից որևէ մեկին պատճառել է դիտավորյալ մարմնական վնասվածքներ.

2) նվիրատուն իրավունք չունի վերացնել նվիրատվության պայմանագիրը այլ հիմքերով, քան ՀՀ քաղաքացիական օրենսգրքում նախատեսված պայմանագրերը լուծելու ընդհանուր հիմքերն են.

3) նվիրատուն, մինչև համապատասխան գույքը նվիրառուին հանձնելը, իսկ անշարժ գույքի դեպքում՝ մինչև դրա նկատմամբ իրավունքների գրանցումը իրավասու է ցանկացած պահի, առանց հավելյալ պատճառի և հիմքերի հրաժարվել նվիրատվության պայմանագիրը կատարելուց.

**4) նվիրատուն իրավունք ունի հրաժարվել նվիրատվության պայմանագիրը կատարելուց, եթե պայմանագիրը կնքելուց հետո նվիրատուի գույքային կամ ընտանեկան դրությունը այնքան է վատթարացել, որ նոր պայմաններում պայմանագրի կատարումը կառաջացնի նրա կենսամակարդակի էական իջեցում.**

20. Ու՞մ սեփականությունն են համարվում վարձակալած գույքի բաժանելի բարելավումները, վարձակալության պայմանագրում դրանց մասին դրույթների բացակայության դեպքում՝

1) վարձատուի.

2) բաժանելի բարելավումները համարվում են վարձատուի սեփականությունը, սակայն նա պարտավոր է հատուցել վարձակալի ծախսը, եթե նախկինում վարձավճարի նվազեցում այդ չափով չի իրականացվել.

3) վարձակալի.

4) վարձակալած գույքի բաժանելի բարելավումները վարձակալի և վարձատուի համատեղ սեփականությունն են.

21. Ինչպե՞ս կարող է սահմանվել վարձավճարը՝

1) **վարձավճարը սահմանվում է որպես պարբերաբար կամ միաժամանակ վճարվող որոշակի կայուն գումար.**

2) վարձավճարը կարող է սահմանվել վարձակալի կողմից իր որևէ ստեղծագործության նկատմամբ հեղինակության իրավունքը վարձատուին փոխանցելով.

3) **վարձավճարը սահմանվում է որպես վարձակալի կողմից որոշակի ծառայություններ մատուցելու պարտականություն.**

4) **վարձավճարը կարող է սահմանվել վարձակալված գույքը բարելավելու համար պայմանագրով նախատեսված ծախսերը վարձակալի վրա դնելու միջոցով.**

22. Ֆինանսական վարձակալության պայմանագրում գույքի պատահական կորստի կամ պատահական վնասվածքի մասին դրույթների բացակայության մասին, ո՞ր պահից է այդ ռիսկը անցնում վարձակալին՝

1) լիզինգի պայմանագիրը կնքելու պահից.

2) **վարձակալված գույքը վարձակալին հանձնելու պահից.**

3) լիզինգի պայմանագրի համաձայն վարձատուի կողմից գույքը վաճառողից ընդունելու պահից.

4) գույքի նկատմամբ սեփականության իրավունքը վարձակալին անցնելու պահից (եթե սեփականության իրավունքի փոխանցում լիզինգի պայմանագրով նախատեսված է).

23. Ո՞վ է կրում անհատույց օգտագործման հանձնված գույքի ընթացիկ և հիմնական վերանորոգման պարտականությունը, պայմանագրում դրա մասին դրույթների բացակայության դեպքում՝

1) հիմնական վերանորոգման պարտականությունը կրում է փոխատուն, իսկ ընթացիկ վերանորոգմանը՝ փոխառուն.

2) ինչպես հիմնական, այնպես էլ ընթացիկ վերանորոգման պարտականությունը կրում է փոխատուն.

3) ընթացիկ վերանորոգման պարտականությունը կրում է փոխառուն, իսկ հիմնական վերանորոգման պարտականությունը կրում են փոխառուն և փոխատուն հավասարապես.

4) **ինչպես հիմնական, այնպես էլ ընթացիկ վերանորոգման պարտականությունը կրում է փոխառուն.**

24. Նշվածներից որո՞նք են ոչ առևտրային կազմակերպություն համարվող իրավաբանական անձինք՝

- 1) **հիմնադրամ.**
- 2) առևտրային կոոպերատիվ.
- 3) **հասարակական միավորում.**
- 4) փակ բաժնետիրական ընկերություն.

25. Ո՞վ կարող է լինել գրավատու՝

- 1) գրավատու կարող են լինել միայն ֆիզիկական անձինք՝ ինչպես հիմնական պարտավորությամբ պարտապանները, այնպես էլ երրորդ անձինք.
- 2) գրավատու կարող են լինել միայն համապատասխան ՀՀ կենտրոնական բանկի կողմից տրված մասնագիտական գործունեություն իրականացնելու թույլտվություն (լիցենզիա) ունեցող կազմակերպությունները.
- 3) **գրավատու կարող է լինել հիմնական պարտավորությամբ պարտապանը.**
- 4) **գրավատու կարող է լինել հիմնական պարտավորության հետ կապ չունեցող ցանկացած երրորդ անձ.**

26. Նշվածներից որո՞նք են գրավի տեսակներ՝

- 1) **կոշտ գրավ.**
- 2) փափուկ գրավ.
- 3) **հիփոթեք.**
- 4) պայմանական գրավ.

27. Ե՞րբ է ծագում գրավի իրավունքը գրավականի դեպքում՝

- 1) գրավի պայմանագիրը գրավատուի և գրավառուի կողմից ստորագրելու պահից, անկախ գրավի առարկան գրավառուին հանձնելու ժամանակից.
- 2) **գրավի առարկան գրավառուին հանձնելու պահից, սակայն ոչ շուտ քան պայմանագիրը կնքելը.**
- 3) գրավի պայմանագիրը նոտարական վավերացում ստանալու պահից.
- 4) գրավի առարկայի վրա գրավառուի կողմից համապատասխան գրավի մասին վկայող նշան դնելու պահից.

28. Ե՞րբ է դադարում գրավը՝

- 1) գրավի պայմանագիրը գրավատուի կողմից միակողմանի լուծելու մասին ծանուցումը գրավառուին ուղարկելուց հետո երեսուներորդ օրը.
- 2) **գրավով ապահովված պարտավորության դադարելով.**
- 3) **գրավ դրված գույքը ՀՀ քաղաքացիական օրենսգրքով նախատեսված կարգով իրացվելու (վաճառելու) դեպքում.**
- 4) գրավի իրավունքը ցմահ է և չի կարող դադարել.

29. Նշվածներից ո՞րն է հիփոթեք՝



- 1) հիփոթեք է համարվում այն գրավը, որի առարկան թողնվում է գրավատուի մոտ՝ գրավառուի փականքի տակ կամ գրավի մասին վկայող նշաններով.
- 2) հիփոթեք է համարվում շարժական գույքի գրավը, որն՝ ի ապահովումն կարճաժամկետ վարկերի գրավադրվում է համապատասխան թույլտվություն (լիցենզիա) ունեցող մասնագիտական կազմակերպությունում՝ գրավատանը.
- 3) **հիփոթեք է համարվում անշարժ գույքի գրավը.**
- 4) **հիփոթեք է համարվում հողամասի կառուցապարման գրավը.**

30. Ի՞նչ իրավունքներ կարող են ծագել անձի մոտ ձեռքբերման վաղեմության հիմքով՝ կախված գույքի տեսակից և այլ պայմաններից՝

- 1) **սեփականության իրավունք.**
- 2) սերվիտուտի իրավունք.
- 3) **սեփականության ձեռքբերման նախապատվության իրավունք.**
- 4) **օգտագործման իրավունքի նախապատվության իրավունք.**

31. Պայմանագիրը փոփոխելու և/կամ լուծելու էական հանգամանք են՝

- 1) **հանգամանքների փոփոխությունն առաջացել է այնպիսի պատճառներով, որոնք շահագրգիռ կողմը չի կարող վերացնել դրանք ծագելուց հետո.**
- 2) եթե պայմանագիրը կնքելու պահին կողմերը ելել են այն բանից, հատուկ դրա մասին պայմանագրում նշելով, որ հանգամանքների նման փոփոխություն ապագայում տեղի կունենա.
- 3) **պայմանագրի կարարումն առանց դրա պայմանների փոփոխման այնքան կխախտեր կողմերի՝ պայմանագրին համապատասխանող գույքային շահերի հարաբերակցությունը և շահագրգիռ կողմին զգալի վնաս կպատճառեր.**
- 4) գործարար շրջանառության սովորույթներից կամ պայմանագրի էությունից բխում է, որ հանգամանքների փոփոխության ռիսկը կրում է շահագրգիռ կողմը.

32. Նշված դեպքերում, երբ է ժառանգությունը կատարվում ըստ օրենքի՝

- 1) **եթե չկա կտակ.**
- 2) եթե դա պահանջում են ժառանգները.
- 3) եթե դա պահանջում է ժառանգներից որևիցե մեկը.
- 4) **եթե կրակում սահմանված չէ ամբողջ ժառանգության ճակատագիրը.**

33. Ո՞րն է ժառանգության բացման վայրը՝

- 1) **ժառանգության բացման վայրը ժառանգատուի վերջին բնակության վայրն է.**
- 2) **եթե քաղաքացու բնակության վայրը արտասահմանում է կամ անհայտ է և ժառանգական զանգվածը ներառում է ՀՀ-ում գտնվող անշարժ գույք, ապա ժառանգության բացման վայրը այդ անշարժ գույքի կամ դրա առավել արժեքավոր մասի գտնվելու վայրն է.**

3) եթե քաղաքացու բնակության վայրը արտասահմանում է կամ անհայտ է և ժառանգական զանգվածը չի ներառում է անշարժ գույք, ապա ժառանգության բացման վայրը ժառանգներից մեծամասնության բնակության վայրն է.

4) ժառանգության բացման վայրը ժառանգատուի մահվան վայրն է.

34. Ո՞վ կարող է դիմել դատարան անարժան ժառանգներին ժառանգությունից մեկուսացնելու պահանջով՝

1) ժառանգության գործը վարող նոտարը.

2) **նույն հերթի այլ ժառանգները.**

3) այլ ժառանգներ, ովքեր տվյալ ժառանգի հեռացումից գույքային իրավունքներ չեն ստանում.

4) դատախազը.

35. Ո՞րն է կտակի ազատության սկզբունքի բովանդակությունը՝

1) **քաղաքացին կարող է իր հայեցողությամբ ցանկացած գույք կտակել ցանկացած անձի, որոշել ժառանգությունում ժառանգների բաժինները՝ սահմանափակվելով միայն ժառանգության պարտադիր բաժնի կանոններով.**

2) քաղաքացին կարող է ցանկացած ժամանակ փոփոխել կտակը՝ գործող կտակով նախատեսված ժառանգների բանավոր համաձայնությամբ.

3) քաղաքացին կարող է առանց որևէ սահմանափակման անել կտակ, փոփոխել կտակը կամ վերացնել այն՝ պայմանով որ այդ մասին նա տեղեկացնում է հնարավոր ժառանգներին.

4) **քաղաքացին կարող է վերացնել, փոփոխել կամ լրացնել կազմված կտակը.**

36. Ստորև նշվածներից ովքե՞ր են ենթաժառանգներ՝

1) **ենթաժառանգները, այն անձինք են, որոնք նշված են կտակում այն դեպքի համար, եթե կտակարարի նշանակած ժառանգը մահանա մինչև ժառանգության բացվելը.**

2) **ենթաժառանգները, այն անձինք են, որոնք նշված են կտակում այն դեպքի համար, եթե հիմնական ժառանգը, որպես անարժան ժառանգ մեկուսացվի ժառանգությունից կամ չկատարվի կտակարարի օրինաչափ պայմանները.**

3) ենթաժառանգները, դրանք կտակում նշված ժառանգների ըստ օրենքի առաջին հերթի ժառանգներն են.

4) ենթաժառանգները, դրանք կտակում նշված ժառանգների ըստ կտակի ժառանգներն են.

37. Ի՞նչ կարգով է բաշխվում ժառանգական գույքի չկտակված մասը՝

1) **կտակարարի գույքի չկտակված մասը բաշխվում է ըստ օրենքի ժառանգների միջև, որոնք ժառանգության են հրավիրվում ՀՀ քաղաքացիական օրենսգրքի 72 գլխով սահմանված կարգով, ընդ որում այդ գույքի ըստ օրենքի ժառանգմանը**

**մասնակցում են նաև այն ժառանգները, ովքեր ըստ կրակի ժառանգել են գույքի մնացած մասը.**

2) կտակարարի գույքի չկտակված մասը բաշխվում է ըստ օրենքի ժառանգների միջև, որոնք ժառանգության են հրավիրվում ՀՀ քաղաքացիական օրենսգրքի 72 գլխով սահմանված կարգով, ընդ որում այն ժառանգները, ովքեր ըստ կտակի ժառանգել են գույքի մյուս մասը, չեն մասնակցում մնացած գույքի ըստ օրենքի ժառանգմանը.

3) կտակարարի գույքի չկտակված մասը բաշխվում է կտակում նշված անձանց միջև, ըստ կտակված գույքի համամասնությունների.

4) կտակարարի գույքի չկտակված մասը առաջնահերթ ուղղվում է ժառանգության պարտադիր բաժնի իրավունքի իրականացմանը, իսկ ավելանալու դեպքում՝ բաշխվում է կտակում նշված ժառանգների միջև՝ կտակում նշված համամասնություններով, համաձայն ՀՀ քաղաքացիական օրենսգրքի 71 գլխում նախատեսված կանոններով.

38. Ի՞նչ ձևով կարող է կազմվել կտակը՝

**1) կրակը պետք է կազմվի գրավոր՝ նշելով կազմելու վայրը և ժամանակը, անձամբ ստորագրվի կրակարարի կողմից և վավերացվի նոտարի կողմից.**

2) կտակը կարող է կատարվել բանավոր, եթե կտակարարը առնվազն հինգ չափահաս անձանց ներկայությամբ միանշանակորեն հայտնում է իրեն պատկանող որևէ կոնկրետ գույք կոնկրետ անձի ժառանգելու մասին.

**3) հեռավոր այն բնակավայրերում, որտեղ չկա նոտար, ապրող անձանց կրակները կազմվում են գրավոր՝ նշելով կազմելու վայրը և ժամանակը, անձամբ ստորագրվում է կրակարարի կողմից և կարող են վավերացվել համայնքի ղեկավարի կողմից.**

4) եթե կտակարարը անգրագիտության պատճառով չի կարող անձամբ ստորագրել կտակը, ապա գրավոր կազմված կտակը, որում նշված է այն կազմելու վայրը և ժամանակը, կտակարարի խնդրանքով, նոտարի ներկայությամբ, ստորագրվում է այլ քաղաքացու կողմից՝ կտակում նշելով այն պատճառները, որոնց ուժով կտակարարը չի կարողացել անձամբ ստորագրել կտակը: Կտակում որևէ հավելյալ տեղեկություն չի նշվում, և այն անցնում է նոտարական վավերացում.

39. Այն դեպքերում, երբ քաղաքացիական օրենսգրքին համապատասխան կտակը կազմելիս, ստորագրելիս կամ վավերացնելիս պետք է ներկա լինեն վկաներ, ո՞վ իրավասու չի հանդես գալ որպես վկա՝

**1) նոտարը.**

2) գողության համար դատվածություն ունեցող անձինք.

**3) անգրագետ և կրակը կարդալ չկարողացող անձինք.**

**4) այն անձի ծնողները, ում օգտին կազմվել է կրակը.**

40. Ի՞նչ հետևանք(ներ) է ունենում դատարանի կողմից կտակում պարունակվող առանձին կտակային կարգադրությունը անվավեր ճանաչելը՝

1) կտակում պարունակվող առանձին կտակային կարգադրության անվավերությունը բերում է ամբողջ կտակի անվավերության.

2) **կտակում պարունակվող առանձին կտակային կարգադրության անվավերությունը չի հանգեցնում կտակի մնացած մասի անվավերության.**

3) կտակում պարունակվող առանձին կտակային կարգադրությունը չի կարող անվավեր ճանաչվել. կտակը կամ վավեր է ամբողջությամբ, կամ ամբողջությամբ անվավեր է.

4) կտակում պարունակվող առանձին կտակային կարգադրության անվավերությունը հանգեցնում է ամբողջ կտակի անվավերությանը, պայմանով, որ դա վերաբերվում է ժառանգության զանգվածում պարունակվող անշարժ գույքի առավել արժեքավոր մասին.

41. Ի՞նչ պարտավորություններ ունի կտակակատարը՝

1) կտակակատարը պարտավոր է ձեռնարկել բոլոր հնարավոր գործողությունները ժառանգատուի պարտքերը մարելուց խուսափելու համար, արդյունքում հնարավորինս մեծացնելով ժառանգական զանգվածի ծավալը.

2) **կտակակատարը պարտավոր է միջոցներ ձեռնարկել ժառանգության պահպանման և կառավարման համար.**

3) կտակակատարը պարտավոր է ժառանգական զանգվածը այնպես տնօրինել, որպեսզի բարձր պահի ժառանգատուի բարի անունը.

4) **կտակակատարը պարտավոր է սրանալ ժառանգատուին հասանելիք գումարները և այլ գույքը.**

42. Առաջին հերթի ժառանգներ չեն՝

1) **ժառանգատուի եղբայրը.**

2) **ժառանգատուի հայրական կողմի պապը.**

3) ժառանգատուի ծնողները.

4) **ժառանգատուի քրոջ երեխաները ներկայացման իրավունքով.**

43. Երրորդ հերթի ժառանգներ են՝

1) **ժառանգատուի հայրական կողմի տատը.**

2) ժառանգատուի թոռը՝ ներկայացման իրավունքով.

3) **ժառանգատուի մայրական կողմի պապը.**

4) ժառանգատուի քեռին.

44. Ժառանգատուի խնամքի տակ գտնվող անաշխատունակ անձինք, որ հերթի ժառանգների հետ են ժառանգում՝

1) **այն հերթի ժառանգների հետ միասին, որը ժառանգության է հրավիրվում.**

- 2) երրորդ հերթի ժառանգների.
- 3) չորրորդ հերթի ժառանգների.
- 4) ժառանգատուի խնամքի տակ գտնվող անաշխատունակ անձինք ժառանգների թվին չեն դասվում.

45. Ըստ օրենքի ժառանգի բաժինը անցնում է նրա երեխաներին, եթե

- 1) ըստ օրենքի տվյալ ժառանգը հրաժարվել է ժառանգությունից.
- 2) **ըստ օրենքի տվյալ ժառանգը մահացել է մինչև ժառանգության բացումը.**
- 3) ըստ օրենքի տվյալ ժառանգը մեկուսացվել է ժառանգությունից.
- 4) ըստ օրենքի տվյալ ժառանգը ժառանգատուի կողմից զրկված է ժառանգությունից.

46. Նշվածներից որոնք են դասվում երրորդ հերթի ժառանգների թվին՝

- 1) ժառանգատուի հոր կենսաբանական ծնողները, երբ ժառանգատուի հայրը որդեգրված է.
- 2) ժառանգատուի քեռու երեխաները ներկայացման իրավունքով.
- 3) **ժառանգատուի որդեգրողի ծնողները.**
- 4) **ժառանգատուի մայրական կողմի տատերը.**

47. Ինչ է տեղի ունենում, երբ ըստ օրենքի ժառանգության հրավիրված ժառանգը ժառանգության բացումից հետո, չհասցնելով այն ընդունել, մահանում է՝

- 1) տվյալ ժառանգին հասանելիք ժառանգությունը բաշխվում է մնացած ժառանգներին հավասարաչափ
- 2) **տվյալ ժառանգին հասանելիք ժառանգությունն ընդունելու իրավունքն անցնում է նրա ժառանգներին.**
- 3) տվյալ ժառանգին հասանելիք ժառանգությունը անցնում է ժառանգության բացման վայրի համայնքի սեփականությանը.
- 4) տվյալ ժառանգին հասանելիք ժառանգությունն ընդունելու իրավունքն անցնում է միայն նրա ամուսնուն.

48. Հօգուտ ում ժառանգը կարող է հրաժարվել ժառանգությունից

- 1) **ըստ կտակի ժառանգի.**
- 2) ըստ օրենքի միայն առաջին և երկրորդ հերթի ժառանգների.
- 3) **ըստ օրենքի ցանկացած հերթի ժառանգների.**
- 4) ցանկացած երրորդ անձի.

49. Ինչ միջոցներ է ձեռնարկում նոտարը ժառանգությունը պահպանելու համար՝

- 1) **կատարում է ժառանգական զանգվածի գույքագրում.**
- 2) **ժառանգության զանգվածի մեջ մտնող թանկարժեք քարերից պատրաստված գույքը պահպարվության համար հանձնում է բանկ.**

**3) Ժառանգության զանգվածի մեջ մտնող կանխիկ դրամը մուծում է նոտարի դեպոզիտ.**

4) Ժառանգության զանգվածի մեջ մտնող կանխիկ դրամով բավարարում է ժառանգատուի պարտատերերի պահանջները.

50. Ի՞նչ է կատարվում ժառանգության զանգվածում առկա կառավարման կարիք ունեցող գույքի հետ՝

1) կառավարման կարիք ունեցող գույքը հանձնվում է ժառանգության բացման վայրի համայնքի կառավարմանը.

**2) կառավարման կարիք ունեցող գույքի նկատմամբ նոտարը, որպես հավատարմագրային կառավարման հիմնադիր, կնքում հավատարմագրային կառավարման պայմանագիր.**

3) կառավարման կարիք ունեցող գույքի նկատմամբ ժառանգներից մեկը, որպես հավատարմագրային կառավարման հիմնադիր, կնքում է հավատարմագրային կառավարման պայմանագիր.

4) կառավարման կարիք ունեցող գույքի նկատմամբ բոլոր ժառանգները միասին՝ որպես հավատարմագրային կառավարման հիմնադիր, կնքում են հավատարմագրային կառավարման պայմանագիր.

51. Նշվածներից որո՞նք են ճիշտ նկարագրում նոտարի իրավական պաշտպանության սկզբունքը՝

**1) նոտարի աշխատանքային վայրը կարող է խուզարկվել միայն դատարանի որոշմամբ՝ նոտարական պալատի ներկայացուցչի մասնակցությամբ.**

**2) նոտարի նկատմամբ քրեական հետապնդում կարող է հարուցել միայն ՀՀ գլխավոր դատախազը.**

3) նոտարի մոտ պահվող նոտարական ակտերը չեն կարող որևէ նպատակով, այդ թվում նաև ստուգման նպատակով, վերցվել.

**4) նոտարն ազատվում է վարժական հավաքներից.**

52. Ի՞նչ գործունեություն չի կարող իրականացնել նոտարը նոտարական գործունեությանը զուգահեռ

**1) նոտարը իր գործունեությանը զուգահեռ չի կարող զբաղեցնել այլ հաստիքային պաշտոն.**

**2) նոտարը կարող է ազատորեն իրականացնել մանկավարժական, գիտական կամ սփերեդագործական գործունեություն՝ ներառյալ վճարովի հիմունքներով.**

3) նոտարը ազատ է զբաղեցնել այլ հաստիքային պաշտոն և զբաղվել այլ վճարովի գործունեությամբ, քանի որ դա բխում է նոտարի անկախության սկզբունքից:

4) նոտարը իր գործունեությանը զուգահեռ չի կարող կատարել այլ վարձատրվող աշխատանք.

53. Ո՞ր դեպքում է կասեցվում նոտարի գործունեությունը՝

1) նոտարի գործունեությունը կասեցվում է, եթե նա մեկ ամսով և ավելի ուշացրել է նոտարական պալատին վճարվող անդամավճարը.

2) **նոտարի գործունեությունը կասեցվում է, եթե նոտարը դատական կարգով ճանաչվել է անվճարունակ՝ անվճարունակության ողջ ժամանակահատվածում.**

3) **նոտարի գործունեությունը կասեցվում է, եթե նա երեք ամիս անընդմեջ չի վճարել նոտարական պալատին վճարվող անդամավճարները.**

4) նոտարի գործունեությունը կասեցվում է, եթե նրա դեմ դատարանում առկա է վնասների հատուցման հայց՝ մինչև այդ գործով դատարանի վճիռի օրինական ուժի մեջ մտնելը.

54. Ո՞վ է իրականացնում նոտարի իրականացրած նոտարական գործողությունների կատարման նկատմամբ վերահսկողությունը՝

1) նոտարական պալատի նախագահը.

2) **Արդարադատության նախարարությունը.**

3) ՀՀ վերահսկիչ պալատը.

4) այն համայնքի ղեկավարը, որտեղ գտնվում է նոտարական գրասենյակը.

55. Ո՞վ է սահմանում նոտարի աշխատանքային ռեժիմը՝

1) նոտարի աշխատանքային ռեժիմը սահմանվում է օրենքով, որը վերահսկում է արդարադատության նախարարությունը.

2) նոտարի աշխատանքային ռեժիմը սահմանվում է կառավարության որոշմամբ, որը վերահսկում է նոտարական պալատը.

3) **նոտարի աշխատանքային ռեժիմը սահմանում է նոտարը, որը վերահսկվում է արդարադատության նախարարության կողմից.**

4) նոտարական պալատը սահմանում է բոլոր նոտարների աշխատանքային ռեժիմները և իրականացնում դրա նկատմամբ վերահսկողություն.

56. Ի՞նչ սկզբունքների հիման վրա է գործում նոտարական պալատը՝

1) նոտարների անդամակցության կամավորության սկզբունք.

2) **ինքնակառավարման սկզբունք.**

3) **նոտարների պարտադիր անդամակցության սկզբունք.**

4) նոտարական պալատի կառավարման մարմինների անփոխարինելիության սկզբունք.

57. Ե՞րբ է անձը դառնում նոտարական պալատի անդամ՝

1) **նոտարը նոտարական պալատի անդամ է դառնում պաշտոնում նշանակվելու օրվանից.**

2) նոտարը նոտարական պալատի անդամ է դառնում պալատի անդամության առաջին վճարը (անդամավճարը) վճարելու օրվանից.

3) նոտարը նոտարական պալատի անդամ է դառնում պաշտոնական երդման պահից.

4) նոտարը նոտարական պալատի անդամ է դառնում պաշտոնում նշանակելուց հետո երեսուներորդ օրը.

58. Քանի՞ օգնական կամ այլ աշխատողներ կարող է ունենալ նոտարը՝

1) նոտարի աշխատողների առավելագույն քանակը որոշում է նոտարական պալատը՝ հիմք ընդունելով նոտարի, որպես նոտար աշխատելու ստաժը.

**2) նոտարի աշխատողների քանակը որոշում է նոտարը, առանց որևէ սահմանափակման.**

3) նոտարի աշխատողների քանակը որոշում է արդարադատության նախարարը, ընդ որում բոլոր նոտարների համար սահմանվում է հավասար առավելագույն քանակ.

4) նոտարը չի կարող ունենալ օգնական կամ այլ աշխատող: Նոտարը կարող է ունենալ միայն ստաժորներ, որոնց քանակը յուրաքանչյուր տարի հաստատում է արդարադատության նախարարը՝ նոտարական պալատի ներկայացմամբ.

59. Ի՞նչ իրավասություններ ունի նոտարի ստաժորը՝

1) նոտարի ստաժորը իրավասու է, նոտարի բացակայության ժամանակ (ամենամյա կամ անաշխատունակության արձակուրդ) հաստատել պայմանագրեր և լիազորագրեր.

**2) նոտարի ստաժորը իրավասու է ուսումնասիրել քաղաքացիների կողմից ներկայացված փաստաթղթերի ուսումնասիրություն.**

**3) նոտարի ստաժորը իրավասու է իրականացնել գործարքների նախագծերի կազմում.**

4) նոտարի ստաժորը իրավասու է քաղաքացիների հետ բանակցել նոտարական ծառայությունների համար գանձվող գումարի չափի վերաբերյալ.

60. Ի՞նչ պահանջներ են առաջադրվում նոտարական գործողություններ կատարելու համար ներկայացվող փաստաթղթերին՝

**1) նշված փաստաթղթերի վրա պարտադիր պետք է նշված լինի դրանք կազմելու տարին, ամիսը, ամսաթիվը**

2) նշված փաստաթղթերը պետք է լինեն համակարգչով հավաքված և համապատասխան տպիչ սարքով տպված.

3) նշված փաստաթղթերը կարող են գրված լինել մատիտով, գրիչով կամ պատրաստված լինեն համակարգչի միջոցով.

**4) նշված փաստաթղթերը չպետք է պարունակեն ջնջումներ կամ էական վնասվածքներ, կամ հավելագրումներ.**



61. Ի՞նչ եղանակով է հայերենին չտիրապետող անձը մասնակցում նոտարական գործողություններին՝

1) հայերեն լեզվին չտիրապետող անձը պարտավոր է նոտարական գործողություններին մասնակցել ներկայացուցչի միջոցով՝ արտասահմանում տրված լիազորագրի հիման վրա.

2) **հայերեն լեզվին չտիրապետող անձը նոտարական գործողություններին կարող է մասնակցել թարգմանչի միջոցով.**

3) հայերեն լեզվին չտիրապետող անձն իրավունք չունի մասնակցել նոտարական գործողություններին՝ քանի որ Հայաստանի Հանրապետության պետական լեզուն հայերենն է.

4) հայերեն լեզվին չտիրապետող անձը կարող է մասնակցել հայերեն լեզվով իրականացվող նոտարական գործողություններին, սակայն նա կրում է լեզվի չհասկանալու պատճառով հնարավոր վնասների ամբողջ ռիսկը.

62. Ինչպե՞ս է որոշվում նոտարի մոտ պահվող և գործարքի մասնակիցներին տրված փաստաթղթի օրինակների միջև գերակայության հարցը՝

1) բոլոր օրինակները նույնական են, և դրանց միջև առաջնահերթություն չկա՝ պայմանով որ դրանք պարունակում են նոտարի ստորագրությունը և կնիքը.

2) **նոտարի մոտ պահվող օրինակը համարվում է փաստաթղթի բնօրինակ, իսկ բնօրինակի և մյուս օրինակների միջև հակասության դեպքում նախապատվությունը տրվում է բնօրինակին.**

3) եթե տվյալ փաստաթղթի հիման վրա կատարվում է պետական գրանցում, ապա բնօրինակ է համարվում համապատասխան պետական մարմին ներկայացված օրինակը, և նախապատվությունը տրվում է այդ օրինակին.

4) փաստաթղթերը վավերացնելիս, նոտարը դրանցից մեկի վրա կատարում է նշում առ այն, որ դա բնօրինակն է, և այդ օրինակը կարող է պահվել ինչպես նոտարի, այնպես էլ գործարքի մասնակիցների մոտ, ընդ որում տվյալ բնօրինակի և փաստաթղթի մնացած օրինակների միջև հակասության առկայության դեպքում նախապատվությունը տրվում է բնօրինակին.

63. Ժառանգության իրավունքի վկայագիրը ժառանգներին տրվում է՝

1) **ժառանգության բացման վայրի նոտարին ներկայացված գրավոր դիմումի հիման վրա.**

2) **քաղաքացիական օրենսգրքով սահմանված կարգով.**

3) **քաղաքացիական օրենսգրքով սահմանված ժամկետներում.**

4) քաղաքացիական օրենսգրքով սահմանված ձևաթղթի վրա.

64. Նոտարը վավերացնում է փաստաթղթի թարգմանության իսկությունը, եթե՝

1) եթե փաստաթուղթը թարգմանված է էլեկտրոնային ավտոմատ թարգմանչական ծրագրի կողմից.

2) **նա փիրապետում է համապատասխան լեզուներին.**

3) եթե փաստաթուղթը թարգմանված է զուգահեռ (սինխրոն).

4) **եթե փաստաթուղթը թարգմանված է նույրի վստահված թարգմանչի կողմից.**

65. Համաձայն ՀՀ Սահմանադրության՝ ոչ ոքի չի կարելի զրկել սեփականությունից, բացառությամբ՝

1) արտադատական կարգով.

2) **դատական կարգով՝ օրենքով նախատեսված դեպքերի.**

3) ՀՀ կառավարության որոշմամբ նախատեսված դեպքերի.

4) դատական կարգով՝ օրենքով նախատեսված դեպքերում, կառավարության որոշման հիման վրա.

66. Համաձայն ՀՀ Սահմանադրության՝ ծնողական իրավունքներից զրկելը կամ դրանց սահմանափակումը կարող է կատարվել միայն՝

1) խնամակալության և հոգաբարձության մարմնի որոշմամբ՝ օրենքով սահմանված կարգով և դեպքերում.

2) դատարանի որոշմամբ՝ ծնողների համաձայնությամբ.

3) խնամակալության և հոգաբարձության մարմնի որոշմամբ՝ նախնական լիարժեք փոխհատուցմամբ.

4) **դատարանի որոշմամբ՝ օրենքով սահմանված կարգով և դեպքերում.**

67. Անձի իրավական վիճակը բարելավող, նրա պատասխանատվությունը վերացնող կամ մեղմացնող իրավական ակտերը՝

1) ոչ մի դեպքում հետադարձ ուժ չունեն.

2) հետադարձ ուժ ունեն, անկախ այդ ակտով նախատեսված լինելու հանգամանքից.

3) **հետադարձ ուժ ունեն, եթե դա նախատեսված է այդ ակտերով.**

4) հետադարձ ուժ ունեն բոլոր դեպքերում.

68. Հայաստանի Հանրապետության դրոշը եռագույն է՝

1) կարմիր, կապույտ, նարնջագույն հորիզոնական անհավասար շերտերով.

2) կարմիր, կապույտ, դեղին հորիզոնական հավասար շերտերով.

3) **կարմիր, կապույտ, նարնջագույն հորիզոնական հավասար շերտերով**

4) կարմիր, կապույտ, նարնջագույն ուղղահայաց հավասար շերտերով.

69. Օրենքները հանրաքվեի են դրվում՝

1) **Ազգային ժողովի առաջարկով.**

2) **կառավարության առաջարկով.**

3) կոալիցիայի առաջարկով.

4) Վենետիկի հանձնաժողովի առաջարկով.

70. Նոտարները հաշվառման են կանգնում՝

- 1) Երևանի ցանկացած հարկային տեսչությունում.
- 2) Հայաստանի Հանրապետության ցանկացած հարկային տեսչությունում.
- 3) **այն հարկային տեսչությունում, որի սպասարկման տարածքում է գտնվում նոտարի նոտարական տարածքը.**
- 4) այն հարկային տեսչությունում, որի սպասարկման տարածքում չի գտնվում նոտարի նոտարական տարածքը.

71. Նոտարի բոլոր ծառայողական փաստաթղթերը՝

- 1) **կազմվում են նրա ձևաթղթի վրա.**
- 2) կազմվում են չորս օրինակից, որից մի օրինակը պահվում է նոտարի մոտ, մի օրինակը ուղարկվում է Արդարադատության նախարարություն, մի օրինակը՝ ՀՀ Ազգային արխիվ և մի օրինակը՝ սփյուռքի նախարարություն.
- 3) համաձայնեցվում են Արդարադատության նախարարի համապատասխան տեղակալի հետ.
- 4) կազմվում են հաճախորդի ձևաթղթի վրա և թվագրումը դրվում է ստորագրության վերևում՝ աջից.

72. Նոտարական գրանցամատյանում գրանցումները պետք է կատարվեն՝

- 1) հայերենով՝ զուգահեռ թարգմանությամբ.
- 2) **հայերենով.**
- 3) եթե հաճախորդը սփյուռքահայ է՝ արևմտահայերեն.
- 4) լատինատառ.

73. Նոտարի թեկնածուների ուսուցման դասընթացների ծրագրերը հաստատվում են՝

- 1) կրթության և գիտության նախարարության կողմից.
- 2) **արդարադատության նախարարի կողմից.**
- 3) բարձրագույն որակավորման հանձնաժողովի կողմից.
- 4) արդարադատության խորհրդի կողմից.

74. Նոտարի կողմից փաստաթուղթը միաժամանակ մի քանի հասցեատերերի ուղարկվելու դեպքում՝

- 1) **ստորագրվում են դրա բոլոր օրինակները.**
- 2) ստորագրվում է փաստաթղթի առաջին օրինակը.
- 3) ստորագրվում է փաստաթղթի բնօրինակի պատճեն.
- 4) փաստաթուղթը չի ստորագրվում.

75. Անձանց մոտ ե՞րբ է ծագում հողամասի օգտագործման իրավունքը՝

- 1) **օգտագործման իրավունքի պետական գրանցման պահից.**

2) հողամասի օգտագործման իրավունքի պայմանագիրը նոտարական վավերացման պահից.

3) հողամասը փաստացի օգտագործել սկսելու պահից.

4) կողմերի կողմից հողամասի օգտագործման իրավունքի պայմանագիրը ստորագրելու պահից.

76. Որո՞նք են հողամասերի նկատմամբ քաղաքացիների և իրավաբանական անձանց իրավունքների դադարման հիմքերը՝

1) **հողամասից կամովին հրաժարվելու դեպքում.**

2) **հողամասն օտարելիս.**

3) **սեփականատիրոջ մահվան դեպքում, եթե չկան ժառանգներ.**

4) հողամասի վրա ինքնակամ կառույցի կառուցապատման հետևանքով.

77. Բաժնետիրական ընկերության Խորհուրդ պետք է ստեղծվի՝

1) եթե ընկերությունը ունի 100 բաժնետեր.

2) եթե ընկերության հասույթը նախորդ հաշվետու տարում գերազանցել է 58.35 մլն դրամը.

3) **եթե ընկերությունում առկա են արտոնյալ բաժնեփոմսերի սեփականատերեր, որոնց քանակը գերազանցում է 50-ը.**

4) եթե ընկերությունը բանկ է կամ վարկային կազմակերպություն.

78. Երեխայի որդեգրման վերաբերյալ գործերի վարույթում որո՞նք են դիմումում առաջադրվող պահանջները՝

1) **որդեգրել ցանկացող անձի (անձանց) ազգանունը, անունը, հայրանունը, բնակության վայրը.**

2) **որդեգրվող երեխայի ազգանունը, անունը, հայրանունը, ծննդյան ժամանակը և բնակության վայրը.**

3) որդեգրել ցանկացող անձի (անձանց) կրթական ցենզի մասին տեղեկություններ.

4) **որդեգրել ցանկացող անձի (անձանց) ցանկության դեպքում նրա (նրանց) միջնորդությունը՝ որդեգրվող երեխայի ազգանունը, անունը, հայրանունը, ծննդյան ժամանակը և վայրը փոփոխելու, իրեն (իրենց) որպես որդեգրվող երեխայի ծնող (ծնողներ) գրառելու մասին.**

79. Ընդհանուր իրավասության դատարանն իրավունք ունի կասեցնել գործի վարույթը, եթե՝

1) **նշանակել է փորձաքննություն.**

2) դատավորը գտնվում է արձակուրդում.

3) **պատրասխանողը գտնվում է հեղափոխության մեջ.**

4) **գործին մասնակցող իրավաբանական անձը վերակազմակերպվում է.**

80. Իրավաբանական անձի կառավարման բարձրագույն մարմնի որոշման, արձանագրության քաղվածքը պետք է ամբողջությամբ և սպառիչ պարունակի՝
- 1) **նիստի գումարման օրվա և վայրի մասին տեղեկություններ.**
  - 2) արձանագրությունը ստորագրած անձանց մասին տեղեկություններ.
  - 3) **նիստի օրակարգի վերաբերյալ տեղեկությունները.**
  - 4) ժողովի ժամանակ կայացված ելույթների ողջ տեղեկությունը.
81. Սահմանափակ պատասխանատվությամբ ընկերության մասնակիցների թիվը՝
- 1) չպետք է գերազանցի 25-ը.
  - 2) **կարող է լինել 2 անձից բաղկացած.**
  - 3) **կարող է լինել 1 անձից բաղկացած.**
  - 4) չպետք է գերազանցի 48-ը.
82. ՀՀ Նոտարական էթիկայի կանոններից բխում է, որ՝
- 1) նոտարն իրավունք ունի կոպտորեն վննդել իրեն շատ հարցերով դիմող հաճախորդին.
  - 2) **նոտարական գրասենյակում հաստատել բարենպաստ բարոյահոգեբանական մթնոլորտ.**
  - 3) հաճախորդին ենթարկել դաստիարակչական ծեծի.
  - 4) հաճախորդների հետ հարաբերություններում առաջնորդվել անձնական շահով.
83. Նոտարին կարգապահական պատասխանատվության ենթարկելու հիմք է՝
- 1) **օրենսդրությանը հակասող նոտարական գործողություն կատարելը.**
  - 2) **նոտարական գործունեությամբ զբաղվելը՝ առանց մասնագիտական պատասխանատվության ռիսկի ապահովագրության.**
  - 3) նոտարական կնիքը օրենքով սահմանված կարգով պետական իրավասու մարմիններին հանձնելը.
  - 4) **նոտարական պալատի անդամավճար չմուծելը երեք և ավելի ամիս (անընդմեջ).**
84. Դատարանն իրավունք ունի կիրառել՝
- 1) **միջազգային պայմանագրեր.**
  - 2) միայն ՀՀ Սահմանադրություն և դրա հիման վրա ընդունված օրենքներն ու այլ իրավական ակտերը.
  - 3) **գործարար շրջանառության սովորույթներ.**
  - 4) օտարերկրյա իրավունք, եթե այդ մասին ՀՀ վճռաբեկ դատարանն ունի համապատասխան որոշում.
85. Գործին մասնակցող յուրաքանչյուր անձ՝

- 1) պետք է ապացուցի իր վկայակոչած փաստերը, պայմանով, որ իր դատավարական հակառակորդը ևս ապացուցի իր վկայակոչած փաստերը.
- 2) պետք է հղում կատարի բոլոր այն ապացույցների վրա, որոնք ըստ իրեն հիմնավորում են իրենց պահանջները.
- 3) **իրավունք ունի լրացուցիչ ապացույցներ ներկայացնել դատաքննության ընթացքում, եթե մինչև դատաքննությունը անկախ իր կամքից չի կարողացել դրանք ներկայացնել և առկա է եղել անհնարինություն.**
- 4) պարտավոր է կրել վիճելի մնացած փաստի առկայության կամ բացակայության հետևանքով բացասական հետևանքները.

86. Վիճարկման հայցով՝

- 1) **հայցվորը կարող է պահանջել ամբողջությամբ կամ մասնակի վերացնել կամ փոփոխել միջամտող վարչական ակտը.**
- 2) հայցվորը կարող է պահանջել ամբողջությամբ փոփոխել միջամտող վարչական ակտը և ընդունելու այլ ակտ.
- 3) հայցվորը կարող է պահանջել ձեռնպահ մնալ կատարելու վիճարկվող վարչական ակտը, ինչպես նաև այն գործողությունների կատարումից, որոնք ուղղված չեն վարչական ակտի ընդունմանը.
- 4) հայցվորը կարող է պահանջել ճանաչելու որևէ իրավահարաբերության առկայությունը կամ բացակայություն.

87. Վարչական դատարան կարող են բողոքարկվել՝

- 1) միայն նոտարի անգործությունը.
- 2) **նոտարի գործողությունը, բացառությամբ գործարքի վավերացման գործողության.**
- 3) նոտարի անգործությունը և նոտարական բոլոր գործողությունները.
- 4) միայն նոտարական գործողությունները, որոնք կապված են գործարքի վավերացման գործողության հետ.

88. Տրանսպորտային միջոցի հետ կապված գործարքները կարող են իրականացվել՝

- 1) **միայն տրանսպորտային միջոցի սեփականության վկայականի առկայության դեպքում.**
- 2) **առանց տրանսպորտային միջոցի պետական գրանցումն իրականացրած ստորաբաժանման կողմից տրված սահմանափակումների տեղեկանքի, եթե գործարքի կողմերից և ոչ մեկը չի պահանջում այն ներկայացնել.**
- 3) առանց սեփականության վկայականի, եթե առկա է տրանսպորտային միջոցի տեխնիկական անձնագիրը և սահմանափակումների վերաբերյալ տեղեկանքը.
- 4) միայն տրանսպորտային միջոցի սեփականության վկայականի և տեխնիկական անձնագրի առկայության դեպքում.

89. ՍՊԸ-ի կանոնադրությունը հաստատելու մասին որոշումը հիմնադիրները պետք է ընդունեն՝
- 1) մասնակիցների որակյալ մեծամասնությամբ, բայց ոչ պակաս քան քվեարկության իրավունք տվող բաժնեմասերի 2/3-ը.
  - 2) մասնակիցների կեսից ավելի հավանության դեպքում.
  - 3) **միաձայն.**
  - 4) մեկ մասնակից լինելու դեպքում միայն կանոնադրական կապիտալն ամբողջությամբ և նախապես վճարված լինելու պայմանով.
90. Վիճարկման հայցի դեպքում հայցը վարչական դատարան կարող է ներկայացվել՝
- 1) վարչական ակտը ուժի մեջ մտնելու պահից մեկ ամսյա ժամկետում.
  - 2) երկու ամիս հետո՝ վարչական ակտի վերադասության կարգով բողոքարկելուց և մերժումը ստանալուց հետո.
  - 3) ժամկետային սահմանափակում սահմանված չէ.
  - 4) **երկամսյա ժամկետում, այն պահին հաջորդող օրվանից սկսած, երբ համապատասխան վարչական ակտը առձեռն հանձնվել է հայցվորին.**
91. Վարչական դատավարությունում հայցի հիմքը կամ առարկան՝
- 1) **կարող է փոփոխվել, եթե այն չի բերում հայցի էության փոփոխության.**
  - 2) **կարող է փոփոխվել մինչև դատաքննություն նշանակելը.**
  - 3) **կարող է փոփոխվել մինչև դատաքննություն նշանակելը գործը քննող դատարանի ընդդատության սահմաններում.**
  - 4) կարող է փոփոխվել դատավարության ցանկացած փուլում.
92. Բաժնետիրական ընկերությունը՝
- 1) կարող է թողարկել և տեղաբաշխել միայն փաստաթղթային անվանական բաժնետոմսեր և պարտատոմսեր.
  - 2) **կարող է թողարկել հասարակ և արտոնյալ բաժնետոմսեր.**
  - 3) չի կարող թողարկել օրենքով սահմանված այլ արժեթղթեր, քան հասարակ և արտոնյալ բաժնետոմսեր և պարտատոմսեր.
  - 4) չի կարող թողարկել պարտատոմսեր, եթե ընկերությունը ապահովագրական ընկերություն է.
93. Բաժնետիրական ընկերության ժողովի որոշմամբ կարող է փոխանցվել Ընկերության խորհրդին՝
- 1) **ընկերության գործադիր մարմնի ձևավորումը.**
  - 2) հայտարարված բաժնետոմսերի ծավալի առավելագույն չափի սահմանումը.
  - 3) հաշվիչ հանձնաժողովի ձևավորումը.
  - 4) **դուստր և կախյալ ընկերությունների ստեղծումը.**

94. Երեխայի համար դատական կարգով բռնագանձվող ալիմենտի չափը սահմանվում է՝
- 1) Երկու երեխայի համար՝ 2/3.
  - 2) **մեկ երեխայի համար ծնողների վաստակի և /կամ/ այլ եկամտի 1/4.**
  - 3) **երեք երեխայի դեպքում՝ կեսը.**
  - 4) երեքից ավելի երեխայի դեպքում՝ 3/4.
95. Կտակ վավերացնելուց՝
- 1) նոտարական գրասենյակ է հրավիրվում նաև այն անձը, ում կտակվում է գույք.
  - 2) նոտարն այդ մասին տեղեկացնում է համապատասխան ժառանգներին.
  - 3) **չեն կարող պահանջվել կրակվող գույքի նկատմամբ սեփականության և այլ իրավունքը հաստատող ասպացույցներ.**
  - 4) կտակարարի փոխարեն կարող է կտակը ստորագրել նրա ներկայացուցիչը, եթե նրան տրված լիազորագրում առկա է այդ մասին հատուկ նշում.
96. Վարձույթի պայմանագրով՝
- 1) **վարձակալության հանձնված գույքի հիմնական և ընթացիկ վերանորոգման պարտականությունը կրում է Վարձատու.**
  - 2) Վարձակալության հանձնված գույքի ընթացիկ վերանորոգման պարտականությունը կարող է դրվել Վարձակալի վրա
  - 3) կարող է սահմանվել, որ Վարձակալը կրում է հիմնական վերանորոգման պարտականությունը, պայմանով, որ այդ ծախսերը հաշվանցվեն վարձավճարից.
  - 4) վարձակալության հանձնված գույքի հիմնական վերանորոգման պարտականությունը կրում է Վարձատուն, իսկ ընթացիկ վերանորոգման պարտականությունը վարձակալը.
97. Երաշխավորը՝
- 1) կորցնում է առարկելու իրավունքը, եթե պարտապանը հրաժարվել է դրանցից կամ ընդունել է իր պարտքը.
  - 2) **իրավունք ունի պարտապիրոջ պահանջի դեմ անել այնպիսի առարկություններ նույնիսկ այն դեպքում, երբ պարտապանը ընդունել է պարտքը.**
  - 3) եթե այլ բան է բխում Երաշխավորության պայմանագրից, ապա կարող է չընդունել պարտատիրոջ պահանջը և դրա հիմքով էլ զրկվում է նրա պահանջի դեմ առարկություն ներկայացնելու իրավունքից.
  - 4) պարտավոր է մինչև պարտատիրոջ պահանջը բավարարելը ներկայացնել իր առարկությունները, որից հետո, սակայն չի կարող այլևս ներկայացնել պարտատիրոջը.
98. Օրենքի հիման վրա պարտատիրոջ իրավունքներն այլ անձի են անցնում՝
- 1) պարտատիրոջ իրավունքների սինգուլյար իրավահաջորդության հետևանքով.



2) պարտապանի երաշխավորի կողմից պարտապանի պարտավորության կատարման հետևանքով.

3) ապահովագրական դեպքը վրա հասնելիս պարասխանապու պարտապանի նկատմամբ պարտապիրոջ իրավունքները ապահովագրական հատուցում վճարած ապահովագրողին անցնելիս.

4) Պարտատիրոջ իրավունքներն այլ անձի փոխանցելու մասին դատարանի վճռով, նույնիսկ եթե դա օրենքով նախատեսված չէ.

99. Որ իրավունքը չի փոխանցվում ժառանգաբար՝

1) հեղինակային իրավունքը.

2) **հեղինակության իրավունքը.**

3) **հետկանչի իրավունքը.**

4) **անվան իրավունքը.**

100. Վավերացվող գործարքներում, հետևյալ դեպքերում որոնք են լրիվությամբ գրելու պահանջ դրված նոտարի համար՝

1) **Ֆիզիկական անձանց բնակության վայրը.**

2) ֆիզիկական անձանց անուն, ազգանուն, հայրանունը.

3) ֆիզիկական անձանց անձնագրային տվյալները.

4) **մինչև 18 տարեկան անձանց ծննդյան տարին, ամիսը, ամսաթիվը.**